

# **S T A T U T**

**Sportskog saveza Zeničko – dobojskog kantona**

**( Prečišćen tekst )**

Zenica, april 2006 godine

Na osnovu člana 11. Zakona o udruženjima građana F BiH (Sl. novine F/BiH, broj:45/2002) i člana 31 Zakona o sportu (Službene novine Zeničko-dobojskog kantona broj 11 od 12 avgusta 2002 godine) i člana 9. Ugovora o udruživanju u Sportski savez Zeničko-dobojskog kantona, Skupština Sportskog saveza zeničko-dobojskog kantona na sjednici održanoj 27 aprila 2006 godine, usvaja Statut – Prečišćeni tekst :

# **S T A T U T**

## **SPORTSKOG SAVEZA ZENIČKO – DOBOJSKOG KANTONA**

### **OPŠTE ODREDBE:**

#### **Član 1.**

Sportski savez Zeničko-dobojskog kantona (daljem tekstu: Sportski savez) je udruženje-asocijacija strukovnih –granskih sportski savez , Sportski saveza opština sa područja Zeničko-dobojskog kantona i drugih asocijacija i udruženja koja u svojoj misiji imaju i aktivnosti vezane za sport.

Sportski savez je nevladina, nestranačka i multinacionalna organizacija, osnovana u skladu sa odredbama Zakona o udruženjima i fondacija Federacije BiH.

Programska orijentacija Sportskog saveza zasniva se na kontinuiranoj koordinaciji aktivnosti svih relevantnih subjekata u oblasti sporta na implementaciji Zakona o sportu i drugih dokumenata ,koji imaju za cilj razvoj i jačanje sporta kao djelatnosti od posebnog interesa za građane Kantona.

#### **Član 2.**

Statutom Sportskog saveza regulišu se : statusna obilježja, sjedište, naziv i područje na kome djeluje; djelatnost, svrha i programski ciljevi udruživanja; uvjeti i način udruživanja; prestanak članstva udružene članice, kao i prava, dužnosti i odgovornosti članica; organi upravljanja, način njihovog izbora, uvjeti i način opoziva, trajanje mandata, način odlučivanja i odgovornosti ; način donošenja odluka o prestanku rada; način sticanja, korištenja i raspoređivanja sredstava; javnost rada i pristup informacijama, arhiviranje i čuvanje dokumentacije Saveza od značaja za sport Kantona,; način donošenja i izmjena i dopuna Statuta; pečat, zastupanje i predstavljanje i javna priznanja u sportu

### **I STATUSNA OBILJEŽJA**

#### **Član 3.**

Sportski savez je pravno lice sa svim pravima, obavezama i odgovornostima utvrđenim Zakonom o udruženjima i fondacijama, Zakonom o sportu Zeničko-dobojskog kantona , drugim zakonima i Statutom.

Svojstvo pravnog lica Sportski savez STEKAO upisom u Registar Ministarstva za pravosuđe i upravu Zeničko-dobojskog kantona.

Sportski savez za preuzete obaveze odgovara svom svojom imovinom-puna odgovornost.  
Sportski savez nije odgovoran za preuzete obaveze članica ako nisu preuzete odlukom Skupštine Saveza.  
Sportski savez ima žiro račun, a po potrebi i druge račune.

#### **Član 4.**

Sportski savez djeluje na području Zeničko-dobojskog kantona.  
Puni naziv saveza je: SPORTSKI SAVEZ ZENIČKO-DOBOJSKOG KANTONA ZENICA.  
Sjedište Sportskog saveza je u Zenici, Ulica Aleja šehida bb; (Kamberovića polje)

#### **Član 5.**

Sportski savez ima amblem-grb-znak i zastavu, čiji se oblik, izgled i upotreba regulišu odlukom Skupštine Sportskog saveza.

#### **Član 6.**

Sportski savez ima pečat.

Pečat Sportskog saveza je okruglog oblika, prečnika 35 milimetara sa natpisom po obodu u latiničnom pismu, bosanskim jezikom: SPORTSKI SAVEZ ZENIČKO-DOBOJSKOG KANTONA-ZENICA, i sa napisom velikim slovima ZENICA u sredini.

#### **Član 7.**

Upotreba pečata reguliše se Poslovníkom o radu Sportskog saveza.

#### **Član 8.**

Sportski savez u skladu sa važećim zakonskim propisima može se udružiti u asocijacije-saveze a koje se bave razvojem i unapređenjem sporta.

## **II DJELATNOST SPORTSKOG SAVEZA**

#### **Član 9.**

Sportski savez radi usklađivanja i ostvarivanja zajedničkih ciljeva, potreba i interesa članica, obavlja sljedeće aktivnosti:

- koordinira sa organima vlasti implementaciju Zakona o sportu i drugih dokumenata, koji se odnose na oblast sporta,
- stvara uslove za organizovanje, provođenje i razvoj temeljnih sportova : atletika ,gimnastika i plivanje i vrhunskog sporta,

- obezbjeđuje organizacione i druge uslove za realizaciju Malih olimpijskih igara i drugih sportskih aktivnosti školske i studentske omladine,
- poduzima aktivnosti na organizovanju akcija „ Sport za sve „, i zalaže se za kointinuirane sportske aktivnosti građana,djece i omladine,
- poduzima konkretne akcije na većem uključivanju žena u sportske aktivnosti,
- prati nivo obrazovanja radnika i volontera angažovanih u sportu,pruža pomoći i usavršavanje stručnih kadrova,
- potpomaže koordinaciju obrazovnih vlasti i sportskih kolektiva na realizaciji nastave iz predmeta Tjelesni i zdravstveni odgoj na svim nivoima obrazovanja,
- radi na popularizaciji sporta i informiše javnost o sportskim aktivnostima i stanju u sportu i sportskim objektima.
- koordinira aktivnosti oko utvrđivanja politike u oblasti sporta i donošenja planskih dokumenata u ovoj oblasti,
- u skladu sa dokumentima o udruživanju u Savez predstavlja i zastupa kod organa vlasti i lokalne samouprave stavove članica Saveza,
- poduzima konkretne aktivnosti na razvijanju svijesti o korektnim ponašanjima publike, sportista i sportskih radnika na sportskim takmičenjima imanifestacijama,
- organizuje i provodi sportski marketing i donosi programe dopunskih djelatnosti,
- formira i vodi bazu podataka iz oblasti sporta za potrebe članica i Kantona u skladu sa dogovorom članica i vlasti Kantona.

U okviru Sportskog saveza mogu se utvrditi i drugi zajednički ciljevi, poslovi i zadaci za čija ostvarenje iskažu interes udružene članice.

#### **Član 10.**

Sportski savez,osim svoje redovne djelatnosti sadržane u članu 9. ovog Statuta može u cilju obezbjeđenja sredstava za realizaciju programskih aktivnosti Saveza i članica obavljati i privredne druge djelatnosti u skladu sa Zakonom.

### **III STICANJE STATUSA ČLANICE,PRAVA, DUŽNOSTI I ODGOVORNOSTI UDRUŽENIH ČLANICA**

#### **Član 11.**

Status članice Sportskog saveza Zeničko-dobojskog kantona stiće se odlukom Skupštine buduće članice i saglasnosti članica Sportskog saveza Zeničko-dobojskog kantona putem Skupštine Saveza.

#### **Član 12**

Udružene članice Sportskog saveza imaju jednaka prava,obaveze i odgovornosti .  
Udružene članice imaju pravo,obavezu i odgovornost da se u svom radu pridržavaju načela: nezavisnosti,ravnopravnosti,sportske etike,zakonitosti i jednakosti,na način utvrđen Sporazumom ( Ugovorom ) o udruživanju i ovim Statutom.

#### **Član 13.**

Udružene članice imaju pravo,obavezu i odgovornost da:

- biraju svoje predstavnike u organe Sportskog saveza,
- u okviru organa Sportskog saveza iznose stavove i mišljenja o svim pitanjima o kojima se raspravlja na nivou ovih organa,
- se pridržavaju odluka organa Sportskog saveza, vrše dogovor o načinu finansiranja funkcija Sportskog saveza u skladu sa ovim Statutom i odgovarajućim odlukama organa Sportskog saveza ili udružuju sredstva za provođenje zajedničkih programa,
- vrše kontrolu rada organa Sportskog saveza i prema potrebi pokreću pitanja odgovornosti nosioca funkcije u Sportskom savezu.

#### **Član 14.**

Svojstvo člana Sportskog saveza može prestati:

- brisanjem udruženog člana iz Registra udruženih građana kod Ministarstva pravosuđa i uprave Zeničko-dobojskog kantona,
- odlukom Skupštine udruženog člana,
- odlukom Skupštine Sportskog saveza Zeničko-dobojskog kantona,

Odlukom Skupštine Sportskog saveza, udruženoj članici prestaje svojstvo udružene članice ako Skupštine Sportskog saveza cijeni da udružena članica svojim djelovanjem šteti interesima sporta i tjelesne kulture ili na osnovu obrazloženog zahtjeva koji samoinicijativno Skupštine Sportskog saveza podnese udružena članica, koja ne želi više biti udružena u Sportski savez.

Članica koja iz bilo kojih razloga istupa iz Sportskog saveza obavezna je da izmiri sve svoje obaveze prema Sportskom savezu, koje su nastale prije odluke o istupanju.

#### **IV PREDSTAVLJANJE I ZASTUPANJE**

#### **Član 15.**

Sportski savez predstavlja, zastupa i potpisuje Predsjednik Sportskog saveza. Predsjednik Sportskog saveza može, ovlaštenja iz predhodnog stava ovog člana, prenositi na zamjenike-dopredsjednike ili na druge članove Predsjedništva prema njihovim stručnim sposobnostima, a s ciljem kontinuiranog i kvalitetnog obavljanja poslova iz djelokruga i djelatnosti Sportskog saveza.

#### **V ORGANIZACIJA, ORGANI UPRAVLJANJA I RUKOVOĐENJE SPORTSKIM SAVEZOM**

#### **Član 16.**

Sportskim savezom upravljaju udružene članice u skladu sa Zakonom, ovim Statutom i Ugovorom o udruživanju u Sportski savez.

#### **Član 17.**

Organi Sportskog saveza Zeničko-dobojskog kantona su:

- A. Skupština Sportskog saveza,
- B. Odbor za unutrašnju kontrolu Sportskog saveza
- C. Predsjednik i zamjenik Predsjednika Sportskog saveza
- D. Predsjedništvo Sportskog saveza,
- E. Generalni sekretar Sportskog saveza
- F. Koordinator za pojedine oblasti aktivnosti Sportskog saveza,
- G. Menadžeri projekata

### **Član 18.**

Mandat organa Sportskog saveza je 4 godine i može se obnavljati.

U slučaju da se ne održi Izborna Skupština svi organi koje Skupština Sportskog saveza bira dobivaju status Vršioca dužnosti, koji može trajati najduže šest mjeseci.

## **A. SKUPŠTINA SPORTSKOG SAVEZA**

### **Član 19.**

Najviši organ upravljanja u okviru prava, dužnosti i odgovornosti Sportskog saveza je Skupština Sportskog saveza.

Skupštinu Sportskog saveza čine po jedan predstavnik članice Saveza.

### **Član 20.**

Skupština Sportskog saveza u okviru prava, dužnosti i odgovornosti:

#### **A: DONOSI:**

- Odluku o osnivanju Sportskog saveza,
- Statut Sportskog saveza,
- Odluke o statusnim promjenama i prestanku rada Sportskog saveza,
- Program rada, razvoja i aktivnosti Sportskog saveza,
- Pravilnik i druge normativne akte Sportskog saveza,
- Odluku o osnivanju pravnih subjekata,
- Odluke o udruživanju u druge saveze i asocijacije.

#### **B: IMENUJE:**

- Predsjednika i zamjenika predsjednika-dopredsjednika Sportskog saveza,
- Članove Odbora unutrašnje kontrole.
- Članove Predsjedništva Sportskog saveza,
- Koordinate za pojedine oblasti aktivnosti Sportskog saveza

#### **C: RAZMATRA I USVAJA**

- Izvještaj o radu Sportskog saveza i njegovih radnih tijela,
- Finasijski izvještaj između dvije sjednice,

- Izvještaj Odbora unutrašnje kontrole,
- Skupština razmatra usvaja ili daje mišljenje i o drugim pitanjima ,koja se uvrste u dnevni red Skupštine

### **Član 21.**

Mandat predstavnika udruženih članica u Skupštini Sportskog saveza je četiri godine.

Predstavniku u Skupštini Sportskog saveza mandat može prestati i prije isteka mandata za koji je izabran u slučaju:

- istekom vremena na koji je izabran,
  - istupanjem udružene članice iz Sportskog saveza,čiji je član predstavnik,
  - njegova opoziva,
  - podnošenju ostavke na funkciju predstavnika u Skupštini Sportskog saveza i
- Opoziv predstavnika vrši se na način i po postupku predviđenom za njegovo predlaganje,odnosno izbor. Mandat naknadno izabranog predstavnika traje do isteka mandata Skupštini Sportskog saveza u koju je naknadno izabran.

U slučaju spriječenosti izabranog predstavnika u Skupštini Sportskog saveza da dođe na zakazanu sjednicu,članice mogu delegirati za tu sjednicu i drugog člana.

### **Član 22.**

Predstavnik udružene članice u Skupštini Sportskog saveza ima pravo i dužnost da:

- aktivno sudjeluje u radu Skupštine Sportskog saveza i drugim organima Sportskog saveza u koje je izabran;
- zauzima stavove o pitanjima o kojim odlučuje Skupština Sportskog saveza i njeni organi;
- o radu Skupštine Sportskog saveza i o svom radu u njoj izvještava udruženu članicu koju predstavlja;
- pokreće raspravu o pitanjima iz djelokruga rada Sportskog saveza i predlaže donošenje odgovarajućih odluka;
- sudjeluje u izvršenju zadataka utvrđenih odlukama i zaključcima Skupštine Sportskog saveza i njenih organa a koji će doprinositi ostvarivanju ciljeva i zadataka Sportskog saveza;
- postavlja pitanja i traži odgovore iz djelokruga aktivnosti Sportskog saveza;
- traži objašnjenja i podatke koja su mu potrebna za vršenje dužnosti predstavnika u Sportskom savezu.

Predstavnik udružene članice u Skupštini Sportskog saveza dužan je da redovno prisustvuje sjednicama Skupštine Sportskog saveza i njenim organima u koje je izabran.

### **Član 23.**

Skupština Sportskog saveza odlučuje o svim pitanjima na sjednicama.

Skupština Sportskog saveza može raditi ako joj prisustvuje više od polovine predstavnika udruženih članova.

Skupština Sportskog saveza odlučuje većinom glasova prisutnih predstavnika udruženih članica, javno ili tajno o čemu odlučuje Skupština na sjednici na kojoj se glasa.

#### **Član 24.**

Sjednice Skupštine Sportskog saveza saziva i predsjedava im Predsjednik Sportskog saveza.

U slučaju spriječenosti ili odstnosti Predsjednika Sportskog saveza, Skupštinom Sportskog saveza predsjedava jedan od zamjenika predsjednika-dopredsjednika ili član Predsjedništva kojeg ovlasti Predsjednik Sportskog saveza.

#### **Član 25.**

Sjednice Skupštine Sportskog saveza sazivaju se po potrebi a najmanje jednom godišnje. Skupština može biti izvještajna, izborna, svečana i vanredna.

Predsjednik Saveza obavezan je sazvati vanrednu sjednicu skupštine na temelju zahtjeva više od 1/3 (jedne trećine) udruženih članica, Predsjedništva i Odbor unutrašnje kontrole. Predsjednik Saveza može i na svoju inicijativu da sazove vanrednu sjednicu Skupštine Saveza.

### **B. Odbor unutrašnje kontrole Sportskog saveza**

#### **Član 26.**

Sportski savez radi zakonitosti i praćenja izvršenja dogovorenih ciljeva, zadataka i interesa, ima Odbor unutrašnje kontrole koga imenuje Skupština Sportskog saveza.

Članovi Odbora unutrašnje kontrole Sportskog saveza ne mogu biti i članovi Skupštine i drugih organa Saveza.

Odbor predlaže Predsjednik Saveza na osnovu konsultacija sa najmanje dvije članice Saveza.

Odbor unutrašnje kontrole Sportskog saveza ima predsjednika i dva člana.

Mandat članova Odbora unutrašnje kontrolea Sportskog saveza traje četiri godine.

#### **Član 27.**

Odbor unutrašnje kontrole Sportskog saveza:

- kontrolira provođenje zakonitosti u radu i poslovanju Sportskog saveza,
- vrši kontrolu izvršavanja zakonskih, ugovornih i drugih obaveza Sportskog saveza,
- kontrolira poštovanje i izvršenje odredaba Statuta i drugih normativni i opštih akata Sportskog saveza i njegovih organa,

- kontrolira i analizira ostvarenje utvrđene finansijske politike i finansijskog plana Sportskog saveza, predlaže mjere koje bi trebalo predvidjeti za sprečavanje i otklanjanje nepravilnosti u radu,
- preduzima i druge mjere u vezi sa svojim poslovima i zadacima i djelokrugom .

O uočenim nepravilnostima Odbor unutrašnje komntrole obavještava Predsjednika Saveza i Skupštinu Saveza.

Odbor unutrašnje kontrole Sportskog saveza za svoj rad odgovoran je Skupštini Sportskog saveza i podnosi joj izvještaj o svom radu i nalazima kontrole.

## **C. PREDSJEDNIK SPORTSKOG SAVEZA**

### **Član 28.**

Skupština bira predsjednika, zamjenika predsjednika i dva dopredsjednika na prijedlog od najmanje tri članice Sportskog saveza.

Predsjednik Sportskog saveza ( odnosno Zamjenik u osustvu Predsjednika ) u okviru svojih prava, obaveza i odgovornosti:

- predstavlja i zastupa Sportski savez,
- saziva i predsjedava sjednicama Skupštine i Predsjedništva Sportskog saveza,
- potpisuje normativna i opšta akta koja donosi Skupština i Predsjedništvo Sportskog saveza,
- izdaje naloge za realizaciju Budžeta Saveza,
- postupa po nalazima Odbora unutrašnje kontrole i drugih nadležnih kontrolnih organa.
- obavlja i druge aktivnosti utvrđene ovim Statutom i drugim normativnim i opštim aktima Sportskog saveza.

U slučaju odsustva Predsjednika i zamjenika Predsjednika, određuje se aktom o privremenoj zamjeni , koji će dopredsjednik vršiti zamjenu i koja su njegova ovlaštenja.

## **D. PREDSJEDNIŠTVO SPORTSKOG SAVEZ**

### **Član 29.**

Predsjedništvo Sportskog saveza je upravno-izvršni organ Skupštine Sportskog saveza i njoj je odgovoran za svoj rad.

Predsjedništvo Sportskog saveza ima ukupno 11 (jedanaest) članova a čine ga: predsjednik, zamjenik-predsjednika i dopredsjednici po položaju i 7 članova.

Sedam članove Predsjedništva bira Skupština na prijedlog Predsjednika Sportskog saveza.

Mandat članova Predsjedništva Sportskog saveza je 4 (četiri) godine.

Članovi Predsjedništva Sportskog saveza mogu biti i van sastava Skupštine Sportskog saveza.

### **Član 30.**

Predsjedništvo Sportskog saveza kao upravno-izvršni organ Skupštine Sportskog saveza vrši slijedeće poslove i zadatke:

1. utvrđuje prijedlog Statuta Sportskog saveza, i prijedlog njegovih izmjena i dopuna, kao i prijedloge drugih opštih i normativnih akata i dokumenata koje donosi Skupština Sportskog saveza.
2. usvaja Prečišćeni tekst Statuta i drugih dokumenata,
3. donosi Poslovnik o radu Saveza
4. utvrđuje prijedlog Programske orijentacije Sportskog saveza.
5. donosi svoj plan rada i plan Kancelarije Saveza
6. donosi Odluku o organizaciji i sistematizaciji Kancelarije Saveza, stručne službe Sportskog saveza.
7. imenuje svoje predstavnike u organe sportskih asocijacija čiji je član Sportski savez.
8. utvrđuje stavove, prijedloge i mišljenja u vezi sa donošenjem Planova društveno-ekonomskog razvoja Kantona, u dijelu koji se odnosi na oblast sporta i tjelesne kulture, sa ciljem da se utiče na stvaranje što povoljnijih uslova za razvoj sporta i tjelesne kulture na području kantona.
9. vodi brigu o obrazovanju i usavršavanju stručnih kadrova u sportu i tjelesnoj kulturi,
10. organizuje i ostvaruje međunarodnu i drugu saradnju sa sportskim asocijacijama, organizacijama i društvima i klubovima,
11. ostvaruje i unapređuje saradnju sa Ministarstvom zaduženim za sport i tjelesnu kulturu Zeničko-dobojskog kantona, Federacije i Bosne i Hercegovine,
12. ostvaruje i unapređuje saradnju sa svim sportskim asocijacijama, udruženjima i savezima sa područja Zeničko-dobojskog kantona, Federacije i Bosne i Hercegovine,
13. podnosi izvještaj o svom radu Skupštini Sportskog saveza,
14. stara se, provodi i izvršava Odluke i zaključke Skupštine Sportskog saveza,
15. donosi Budžet i prati realizaciju – izvršenje Budžeta i donosi odluke o rebalansu pojedinih stavki i Budžeta u cjelini.
16. Imenuje vršioce dužnosti koordinatora za pojedine oblasti ( član 33 stav drugi ),
17. Imenuje menadžere projekata,
18. razmatra i rješava i druga pitanja iz nadležnosti Sportskog saveza, koja nisu u nadležnosti nekog drugog organa Sportskog saveza.

Skupština Sportskog saveza može naložiti-dati Predsjedništvu i druge zadatke i poslove ako o tome donese Odluku i ako je to potrebno radi efikasnosti i kontinuiteta rada.

### **Član 31.**

Predsjedništvo Sportskog saveza razmatra i odlučuje o svim pitanjima na sjednicama, kojima prisustvuje većina njegovih članova.

Sjednice Predsjedništva Sportskog saveza održavaju se prema potrebi.

Predsjedništvo Sportskog saveza donosi odluke većinom glasova ukoliko je sjednici prisutna većina njegovih članova. Predsjedništvo donosi odluke javnim glasanjem, osim u slučajevima kada odluči da odluke donosi tajnim glasanjem.

### **Član 32.**

Sjednice Predsjedništva Sportskog saveza saziva i njima predsjedava predsjednik Sportskog saveza.

U slučaju spriječenosti ili odsutnosti predsjednika, sjednice saziva i njima predsjedava zamjenik odnosno jedan od dopredsjednika ili član Predsjedništva Sportskog saveza koga ovlasti Predsjednik.

### **Član 33.**

Za pripremu prijedloga i stručnu obradu pojedinih pitanja iz svoje nadležnosti, Predsjedništvo Sportskog saveza osniva stalne i povremene komisije kao i stručne i pomoćne organe.

U cilju operativnijeg rada Predsjedništvo imenuje i VD koordinate za pojedine oblasti i aktivnosti a na prvoj sjednici Skupštine Saveza vrši se verifikacija – potvrda izbora.

Odlukom o imenovanju stalnih ili povremenih komisija, stručnih grupa i koordinatora Predsjedništvo utvrđuje sastav, djelokrug i ovlaštenja.

## **E. GENERALNI SEKRETAR SPORTSKOG SAVEZA**

### **Član 34.**

Sportski savez ima Generalnog sekretara koji imenuje Predsjedništvo Sportskog saveza, na period od 4 (četiri) godine. Za izbor Generalnog sekretara provodi se javni oglas u skladu sa odredbama Poslovnika Sportskog saveza,

Funkcija Generalnog sekretara se obavlja profesionalno.

Generalni sekretar Sportskog saveza je samostalan u svom radu, za svoj rad odgovoran je Predsjedniku i Predsjedništvu Sportskog saveza.

Generalni sekretar Sportskog saveza je ujedno i rukovodilac Kancelarije Sportskog saveza.

Generalni sekretar Sportskog saveza u okviru svojih prava, obaveza i odgovornosti:

- brine se za zakonitost rada i ispunjava zakonom propisanih obaveza Sportskog saveza,
- odgovoran je za pravovremenu pripremu materijala za sjednice Skupštine i Predsjedništva Sportskog saveza i njihovih radnih tijela,
- brine o izvršenju zaključaka, odluka i prijedloga Skupštine Sportskog saveza i njihovih radnih tijela,
- rukovodi radom Kancelarije Sportskog saveza i odgovoran je za njen rad Predsjedniku Saveza.
- saraduje sa organima vlasti nadležnim za sport i tjelesnu kulturu, kao i drugim javnim ustanovama i organima Kantona, Federacije i BiH i Sportskim savezima i udruženjima,
- brine o obavještenju javnosti o radu Sportskog saveza,

- izvršava i druge poslove i obaveze utvrđene zakonom i odlukama Skupštine i Predsjedništva Sportskog saveza.

### **Član 35.**

Kada Generalni sekretar Sportskog saveza utvrdi da je normativni, opšti i pojedinačni akt donešen u Sportskom savezu u suprotnosti sa zakonom, ovim Statutom ili drugim opštim aktom, upozorit će na to organ koji je takav akt donio.

### **F. Koordinator za pojedine oblasti**

#### **Član 36**

U cilju obezbjeđenja kontinuiranog sagledavanja i praćenja stanja u oblasti sporta na prijedlog Predsjedništva Sportskog saveza Kantona, Skupština imenuje koordinate za pojedine oblasti sportskih aktivnosti. Skupština može imenovati i koordinate za pojedine lokalne zajednice koje nisu zastupljene svojim predstavnicima u Predsjedništvu Sportskog saveza.

#### **Član 37**

Imenovani koordinator svojom aktivnošću u saradnji sa Predsjedništvom i Kancelarijom Saveza obezbjeđuje informacije o aktivnostima i problematici u oblasti za koju je imenovan. U dogovoru sa Predsjednikom Saveza kontaktira sa organima vlasti i organima lokalne samouprave po pitanjima vezanim za oblast za koju je imenovan i pitanjima iz nadležnosti Saveza po ovlaštenju Predsjednika Saveza.

#### **Član 38**

O svom radu koordinator podnosi izvještaj Predsjedniku Saveza po potrebi a najmanje jednom godišnje. Izvještaji koordinatora su sastavni dio Izvještaja Saveza koji se podnose Skupštini saveza na Izvještajnim zasjedanjima.

### **H. Menadžeri projekata**

#### **Član 39**

U slučajevima kada domaći i strani donatori prihvate ili ponude projekte-aplikacije za pojedina pitanja iz oblasti sporta, Predsjedništvo na prijedlog Predsjednika Saveza imenuje menadžere projekta, koji će obavljati aktivnosti prihvaćene od strane donatora a u skladu sa Statutom i drugim aktima Sportskog saveza i u skladu sa zakonima.

Menadžer je za svoj rad odgovoran Predsjedniku i Predsjedništvu Sportskog saveza. Odnosi sa menadžerom regulišu se ugovorom.

## **VI JAVNOST RADA SPORTSKOG SAVEZA**

#### **Član 40.**

Rad Sportskog saveza i njegovih organa je javan.

Javnost rada Sportskog saveza i njegovih organa ostvaruju se:

- javnim održavanjem sjednica Sportskog saveza i njegovih organa,
- blagovremenim, objektivnim i stručnim informacijama udruženih članica o aktivnostima organa i tijela Sportskog saveza,
- pravovremenim dostavljanjem materijala za raspravu predstavnicima udruženih članica, sredstvima javnog informisanja i drugim zainteresovanim organizacijama, zajednicama i institucijama,
- stavljanjem na WEB stranicu Saveza svih značajnijih materijala i dokumenata,
- obavještavanjem predstavnika javnog informisanja i drugih sredstava javnog saopštavanja o održavanju sjednica organa i tijela Sportskog saveza,

#### **Član 41.**

Sportski savez može izdavati i glasila, publikacije i novine ako to ocijeni kao potrebu za što uspješnije obavještavanje i propagiranje sporta i tjelesne kulture, a u skladu sa zakonom.

### **VII NAČIN STICANJA, KORIŠTENJA I RASPODJELE SREDSTAVA SPORTSKOG SAVEZA**

#### **Član 42.**

Sredstva za poslovanje Sportskog saveza obezbjeđuju se iz slijedećih izvora:

- iz sredstava za sport i tjelesnu kulturu koja se planiraju budžetom Federacije i države Bosne i Hercegovine u skladu sa zakonom,
- iz sredstava za sport i tjelesnu kulturu koja se planiraju budžetom Zeničko-dobojskog kantona u skladu sa zakonom,
- iz sredstava raznih domaćih i stranih donatora koji podržavaju aktivnosti u oblasti sporta,
- iz sredstava općina namjenjenih sportu u skladu sa međusobnim dogovorom Savez – općina,
- donacija, sponzorstva, priloga, darodavcima i članarina,
- vršenje privredne i druge djelatnosti, pravnih subjekata čiji je osnivač Sportski savez,
- prihoda od igara na sreću u skladu sa zakonom,
- prihoda od imovine, poreza i udruživanja sredstava,
- prihoda od ulaznica, reklama i slično od manifestacija koje eventualno organizuje Savez
- ostalih prihoda koji su u saglasnosti sa zakonom i ovim Statutom.

Za sredstva iz alineje 1, 2 i 3 ovog člana Sportski savez aplicira u skladu sa raspisanim tenderima. Sredstva se troše u skladu sa uslovima koji su propisani tenderima i koji su naznačeni u aplikaciji usvojenoj od strane nadležnog ministarstva.

### **Član 43.**

Raspodjela ukupnih sredstava vrši se finansijskim planom Sportskog saveza u skladu s programom rada Sportskog saveza, a kojim se utvrđuje:

- sredstva za izvršenje zajedničkih i posebnih zadataka Sportskog saveza,
- sredstva udruženih članica za izvršenje zajedničkih dogovorenih programa i zadataka u okviru Sportskog saveza,
- sredstva za funkcionisanje Kancelarije Saveza.

Izmjene i dopune-rebalans finansijskog plana Sportskog saveza vrši Predsjedništvo Sportskog saveza u okviru gore navedenih grupacija.

### **Član 44.**

Sportski savez može stjecati, nabavljati i kupovati pokretnu i nepokretnu imovinu.

Predsjedništvo Sportskog saveza donosi odluku o stjecanju, nabavci, kupovini, prodaji, prijenosu na druga pravna lica ili davanju u zakup pokretne i nepokretne imovine.

## **VIII JAVNA PRIZNANJA**

### **Član 45.**

Za izuzetan doprinos u oblasti sporta u okviru Sportskog saveza dodjeljuju se:

1. Diploma
2. Zahvalnica
3. Priznanje – „Najbolji sportista-sportistkinja Kantona“
4. Priznanje – „Sportski radnik Kantona“

Procedure za izbor i dodjelu priznanja Saveza regulisane su Poslovnikom Sportskog saveza .

### **Član 46.**

Predsjedništvo Sportskog saveza donosi Pravilnik o javnim priznanjima u oblasti sporta. Pravilnikom se regulišu procedure dodjele priznanja.

Procedure za izbor nosioca priznanja Predsjedništvo može da realizuje i u saradnji sa drugim subjektima koji obezbjeđuju proceduru izbora u skladu sa Poslovnikom Saveza.

## **IX NAČIN IZVRŠENJA STRUČNIH, ORGANIZACIONIH I ADMINISTRATIVNIH POSLOVA SPORTSKOG SAVEZA**

### **Član 47.**

Za obavljanje stručnih, organizacionih, administrativno-tehničkih, finansijsko-materijalnih poslova arhiviranja i drugih poslova za Sportski savez i udružene članice, Sportski savez osniva Kancelariju Sportskog saveza Zeničko-dobojskog kantona.

Poslovnikom o radu Sportskog saveza detaljnije su određeni zadatci i poslovi koji se realizuju u okviru Kancelarije Saveza.

## **X NAČIN DONOŠENJA STATUTA I NAČIN DONOŠENJA IZMJENA I DOPUNA STATUTA SPORTSKOG SAVEZA**

### **Član 48.**

Statut Sportskog saveza donosi Skupština Sportskog saveza na osnovu predhodno pribavljene saglasnosti udruženih članica a i ako za njegovo donošenje glasa većina od svih predstavnika udruženih članica.

### **Član 49.**

O izmjenama i dopunama Statuta Sportskog saveza odlučuje Skupština Sportskog saveza.

Izmjene i dopune Statut Sportskog saveza može predložiti svaka članica Saveza, Predsjednik Saveza ili Predsjedništva Sportskog saveza.

Inicijative za izmjene Statuta razmatra Skupština.

Sportski savez dužan je i obavezan pristupiti izmjenama i dopunama Statuta Sportskog saveza koje narastaju na osnovu zakona i drugih važećih propisa.

Izmjene i dopune Statuta Sportskog saveza koje nastaju na osnovu zakona ili drugog važećeg propisa se automatski i bez traženih saglasnosti od udruženih članica s tim da se o nastalim izmjenama i dopunama obavijeste udružene članice i njihovi predstavnici u Skupštini Sportskog saveza.

## **XI PRESTANAK RADA SPORTSKOG SAVEZA**

### **Član 50.**

Sportski savez prestaje sa radom ako:

- na način utvrđen ovim Statutom istupi više od polovine udruženih članica,
- se ustanovi i utvrdi da je Sportski savez prestao sa radom više od vremena utvrđenim ovim Statutom za održavanje Skupštine Sportskog saveza,
- je Sportskom savezu zabranjen rad od nadležnog suda ili drugog nadležnog organa,
- ako se zakonom zabranjuje rad ovakvim ili sličnim pravnim licima,

- udružene članice donesu odluku o prestanku rada Sportskog saveza.
- ako se broj članica smanji ispod broja koji je Zakonom propisan za osnivanje Saveza ,

Odluku o prestanku rada Sportskog saveza donosi Skupština Sportskog saveza.

### **Član 51.**

U slučaju prestanka rada Sportskog saveza,imovinu (stvari,prava i novac) kojom raspolaže Sportski savez,prenosi se organizaciji ili pravnom licu koje preuzima vršenje osnovnih funkcija Sportskog saveza ili ministarstva kantona koje je nadležno za sport i tjelesni odgoj.

## **XII ZAVRŠNE ODREDBE**

### **Član 52.**

Ovaj Statut Sportskog saveza stupa na snagu danom donošenja-usvajanja na Skupštini.

Zenica: 27 april 2006 godine

Predsjednik  
Sportskog saveza Zeničko-dobojskog kantona  
( Bogdan Kolar)